

იოსებ ოქრომელიძე UNHCR-ის ახალ წარმომადგენელს შეხვდა

20 იანვარი 2017

შიდა ქართლის გუბერნატორის მოვალეობის შემსრულებელი იოსებ ოქრომელიძე საქართველოში გაეროს ლტოლვილთა უმაღლესი კომისრის (UNHCR, the UN Refugee Agency) ახლადდანიშნულ წარმომადგენელს, იოჰანეს ფან დერ კლაუსს შეხვდა. შეხვედრა გაცნობითი ხასიათის იყო, რომლის დროსაც განხილულ იქნა რეგიონში მცხოვრებ დევნილთა მდგომარეობა, არსებული ვითარება და მათი საჭიროებები. მხარეებმა ისაუბრეს განხორციელებულ პროექტებსა და სამომავლო გეგმებზე. ამავდროულად, საუბარი შეეხო UNHCR-ს საქმიანობას ოკუპირებულ ტერიტორიებზე და ჰუმანიტარულ პროექტებს. იოჰანეს ფან დერ კლაუსმა მზაობა გამოთქვა გააგრძელოს მჭიდრო თანამშრომლობა, ასევე, ხელი შეუწყოს ახალ და საჭირო პროექტების განხორციელებას, რომელიც მიმართული იქნება დევნილების ცხოვრების პირობების გაუმჯობესებისა და ინტეგრაციასკენ. თავის მხრივ, რწმუნებულმა ისაუბრა რეგიონში არსებულ პროექტებზე, გააცნო გორში მიმდინარე მშენებლობის შესახებ ინფორმაცია, რომელიც 2017 წლისთვის დასრულდება და რომლის ფარგლებშიც 500-ზე მეტი დევნილი უზრუნველყოფილი იქნება საცხოვრებელი ბინით. მხარეები სამომავლო თანამშრომლობის გაგრძელებაზე შეთანხმდნენ.